



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Caput I. Alex. III. Exon. (a) Episcopo.

---

[urn:nbn:de:hbz:466:1-74526](#)

tre, & matre ad secundas nuptias transeunte, apud quem debeant filii defuncti educari, ad proxim exponunt Leon tom. 2. decisi. 201. Cabedo tom. 1. decisi. 99. Valenzuela consil. 36.

8. (i) *Ali debeat.*] Sicut in animalibus filiorum educationem, & eos alendi necessitatem insinatus, seu impulsus naturalis indixit; ita similiter in parentibus obligationem alendi liberos ex naturali jure provenire certum est, l. 1. §. ius naturale, ff. de iustit. & iure, l. si quis à liberis §. parens, ff. agnosc. liber. l. 3. & 4ff. de alend. liber. l. unic. §. raceat, C. de rei uxori. l. non solum 8. §. ipsum, C. de bonis qua lib. cap. ius naturale, 1. dīst. l. 2. tit. 1. p. 1. làrè probat Fortunius Garcia in dicta l. 1. §. ius naturale, Petrus Faber lib. 2. semestr. cap. 1. Valentia tom. 3. tract. 3. de liberis & possib. cap. 1. dicemus in cap. cùm habet, de eo qui duxit.

## COMMENTARIUM.

9. R egulariter olim facto divortio, apud patrem morari, & educari liberi solebant, tum propter ius patriæ potestatis, tum ut ab eo alerentur; & si uxoris causa divortium intercessisset, maritus propter singulos liberos ex matrimonio scilicet communiter suscepitos, totidem sextas partes dotis retinere poterat, non tamen plus quam tres sextas patres, id est unam ultra dimidiam partem dotis. Ulpianus in fragm. tit. 6. Paulus lib. 2. sent. tit. de dot. l. unic. C. de rei uxori. action. Cicero in Topicis, ibi: *Si viri culpæ factum est divortium, et si mulier nuntium remisit, tamen pro liberis manere nihil oportet.* Ubi Boëtius. Illustrant Rewardus lib. 4. var. cap. 13. Pichardus in §. fuerat, num. 70. insit. de act. Cujacius ad Ulpianum, in dicto tit. 6. Grotius in floribus, ad tit. de divortiis, Brisonius lib. 5. de formulis. Petrus Barbosa in l. post dorem 40. num. 5. ff. solut. matrim. & differentias inter hanc retentionem, & alias ob res amotas, & ob mores, eruditè, ut solet, explicat eruditissimus Ramos in schediagram. ad leg.

vinic. §. raceat, C. de rei uxori. act. nec matri relinquebantur filii, nisi minores, cùm adhuc sub mamma essent. l. penult. junctâ Glosâ ibi, Cod. de patria potestâ. Senism postea inolevit, ut pro sexu divisio fieret, ut patri mares, matri feminæ tradicerentur: ex iustis tamen causis, veluti ob suspectos patris mores, utriusque sexus liberi, quantumvis exuberes, soli matri tradebantur sine diminutione patriæ potestatis, l. 1. §. si verum, l. 3. §. etiam si, ff. de liber. exhib. Postea Imperatores Dioclet. & Maxim. in l. unic. C. divortio facto, totum hoc negotium arbitrio iudicis commisere, qui estimare deber, quid utilius, commodiusque sit liberis. Imperator Justin. in authent. sequenti, post dictam legem unicam, hanc questionem paulo exactius decidit, dum disponit, ut si patris culpâ divortium sequatum sit, & mater ad secundas nuptias non transierit, liberi apud eam educari debent impensis patris: si vero culpâ matris solutum sit matrimonium, apud patrem nutriantur impensis matris locupletis: quam constitutionem explicant Cujacius, & Richierius ibi. Unde inspectâ ea constitutione, etiam seculo fidei favore, in praesenti specie filius educandus erat penes patrem; nam cùm ob culpat multeris, quæ noluit converti ad fidem catholicam simul cum marito, sequutum esset divortium, etiam quoad vinculum, ex notatis in can. Concilii Illib. & traditis in cap. 4. de divort. ideo penes patrem filius educandus, & alendus erat. Huic rationi juris aliam adjunxit Gregorius in praesenti, deducitam ex fidei favore, cuius intuitu etiam in Concilio Tolet. 17. can. 8. relato in cap. Iudeorum 28. q. 1. jubetur ut ab infidelibus servis Christianorum filii auferantur, ne eorum perfidia involvantur, ibi: *Iudeorum filios, vel filias, ne parentum ultra involvantur erroribus, ab eorum consortio separari decernimus.* Notavit Sahabedra in chron. Goth. cap. 19. prosequuntur Vazquez tom. 2. in 3. p. disput. 155. cap. 4. Simanchas de cathol. cap. 29. Diana p. 8. tract. 1. resol. 12. Narbona de estate, anno 7. q. 10. Quid observetur factum divortio ex alia causa, velut iævitæ, exponit Valenzuela consil. 41.

## TITULUS XXXIV.

## De Voto &amp; Voti Redemptione.

## CAPUT I.

Alex. III. Exon. (a) Episcopo.

**D**E (b) peregrinationis quoque votis, an eleemosynis redimi possint, vel aliud prænecessitate impleri, tibi respondemus, quod ab ejus, qui præsideret, dependet arbitrio, ut consideret diligentias, & attendat qualitatem personæ, & causam commutationis, scilicet, an id ex infirmitate, seu affluentia divitiarum contingat; utrum peregrinatio, an recompensatio melior fuerit, & Deo magis accepta; & secundum hoc deber inde dispensare.

## NOTE.

**L.** (a) **E**xonien.] Ita etiam legitur in prima collectione, sub hoc tit. cap. 1. & post Concilium Lateran. p. 35. cap. 3. ubi additur, pars capituli Meminimus, forsan quia refertur in praesenti pars textus in cap. meminimus, qui clerici vel vov. De Exoniensi diocesi plura adduxi in cap. 6. de filiis presbyt.

(b) **Peregrinationis.**] Ad loca videlicet sacra, nec non reliquias Martyrum; omni enim tempore in Ecclesia usitata invenio fidelium peregrinationes ad loca sacra, & sanctorum reliquias, inter quas praeceps fuit Hierosolymitana, quam valde commendat D. Hieronymus epist. 27. ad Eusebium, ibi: *Cujus enim gentis homines ad sancta loca non convenient?* Et imagini fecit in epist. 19. ad Paulum, adducto D. Pauli exemplo, qui illuc sepulchri Domini visendi causam concessit, ut patet ex epist. 2. ad Galatas, & cap. 30. Actuum Apostol. Celebris etiam fuit peregrinatio ad lumen Apostolorum, atque illuc ex omnibus provinciis concursum fieri, refert Nicolaus I. epist. 2. ad Michaelem Imperatorem: & omni tempore celeberrima fuit peregrinatio Compostel. ad corpus D. Jacobi, de qua agitur in cap. propositum 4. de consecr. Eccles. & in Gallia frequenter fiebant peregrinationes ad Ecclesiam sancti Martini Turonensis, & sancti Saturnini Tolosæ, ut constat ex Concilio Cabilon. sub Carolo can. 44. & 45. Plura de his peregrinacionibus ad Martyrum reliquias congeffit Ferrandus in disquisit. relig. lib. 2. cap. 3. art. 6. per totum. Et de his peregrinis accipiens est Fridericus in confit. relata in cap. 1. de testam. in 5. compilat. juncto ibi Cironio. Confluebant enim Christiani ad Sanctorum reliquias, velut ad oraculum, & controversiarum, & criminum detegendorum causam, ut de templo B. Felicis narrat D. Augustinus epist. 137. ibi: *Elegi aliquid medium, ut certo placito se ambo confringenter ad locum sanctum peregrinatu.* Multis notissima est sanctitas loci, ubi B. Felicis Nolensis corpus conditum est, quo volvi ut pergerent, quia inde nobis fidelius scribi posset quicquid in eorum aliquem divinitus fuerit propalatum. Sic etiam Eusebius lib. 6. D. Hieronymus de script. in Alex. testantur, sanctum Alexandrum peregrinatum esse Hierosolymam ad videnda loca sancta. Alia de his peregrinationibus cumularunt Grethserus lib. 1. de peregrinat. ex cap. 2. usque ad 12. Theophilus tom. 15. in Heterol. punct. 9. in principio.

## COMMENTARIUM.

**3.** **C**onclusio deducatur & probatur.  
Ex hac Alexandri decisione sequens deducitur assertio: *Voto possunt eleemosynis redimi, vel in aliud commutari; superioris intercedente auctoritate.* Proabant eam textus. in cap. 1. 20. q. 3. cap. magna, hoc tit. Illustrant ultra congettos in praesenti à Barbosa, & Garafia Mondofius tit. de Bolboa in cap. per venit 3. de jurejur. Diana p. 2. tract. 2. resol. 7. & 8. Lessius hb. 2. de iustitia, cap. 4. num. 10. Layman lib. 4. Theolog. Moral. tract. 4. cap. 8. num. 12. Escobar de uroque foro artic. 5. §. 18. num. 180. Manrique de different. utrinque fori, cap. 163. num. 21. Candidus 2. tom. disquisit. 25. artic. 1. dub. 6. cap. 8. Sanchez in select. cap. 14. num. 3. Castropalo tom. 3. disput. 3.

de voto, Trullench. in Decalog. lib. 2. cap. 2. dub. Sed haec assertio difficultis valdi redditur frequenti consideratione. Vel voti commutatio in rem evidenter meliorem, vel in æqualem, aut deteriorem: si fiat in meliorem, necessaria dicitur, non est superioris auctoritas, cap. per venit 3. de jurejur. si in aliud æquale commutetur, id est ejusdem virtutis, & bonitatis, commutatio fieri non potest, quia aliud pro alio invito creditore solvi non valet, l. mutuum, §. mutui ff. de rebus creditis, l. si se §. ait Prator, ff. de re judic. l. item liberatur, §. qui paratus, ff. quibus modis pignoris, l. promissor, §. final. ff. de confit. pecun. Ergo si in deteriori, aut minus commutetur, omnino talis commutatio improbat, præcipue cum commutatio voti sit quedam novatio; per novationem autem non tollitur prima obligatio, quando secunda continet minus quam prima: celebris textus in l. enim qui, §. permitt. ff. de verb. oblig. igitur neutro ex his casibus defendi potest prætens assertio. Augetur haec dubitandi ratio ex eo; nam qualibet voti obligatio adimpleri debet in specifica forma, cap. licet; hoc tit. ibi: *Solutio necessaria est*, ut contingat in iuramento, in quo si quis juraverit solvere, non adimpler iuramentum debitum compensando, quia per æquipollens non recte adimplitur promissio Deo facta: igitur votum commutatione facta, non per æquipollens, sed in specifica forma est adimplendum.

Quæ difficultate non obstante vera est pñf. assertio, pro cuius expositione sciendum pñf. est, votum diversimode accipi: aliquando pro voluntate sunitur, iuxta illud Poëta:

Velle suum cuicunque est, nec voto curvum um.

Nonnunquam pro defiderio, unde vulgo dicimus, rem alium pro voto evenire, id est pro defiderio: quo modo accipitur Psalm. 49. ibi: *Immola Deo sacrificium laudis & rede altissimo vota tua*, id est defideria. Unde preces ipsa, quibus defiderium nostrum explicamus, vota dicuntur, quo modo verba illa canonis Mifile, vel qui tibi offerunt vota sua, exponit Menardus in notis ad Sacram. D. Gregorii, fol. 14. Inde defiderium parentum, ut filii illis succedant, votum dicitur in l. nam & si, ff. de inofficio. tñstam. l. unic. C. de bis qui ante apertas. Accipitur etiam pro voce, & suffragi, in cap. 1. de elect. in 6. in praesenti autem titulo accipitur votum pro promissione Deo facta, ad differentiam promissionis hominibus facta, quæ dicitur stipulatio, vel pollicitatio, l. 1. ff. de pollicit. at vero quæ Deo fit, votum nuncupatur, cap. 23. Demeron. Proverb. cap. 30. l. 2. ff. de pollicit. notavit Galbanus de offfructu cap. 5. Votum ita acceptum Cicero dixit esse sponzionem, quæ Deo obligatur; Theologi autem Moralista votum ita diffinunt: *Votum est spontanea, & deliberata promissio majoris boni Deo facta*; quam definitionem explicit Stunica, & alii de voto agentes. Apud veteres, qui vota pro re aliqua à Diis impetranda faciebat, vovere, seu vota suscepere, & nuncupare vota dicebatur. Qui vero solvebat, per solvere, & signare vota: *cujusmodi cum pallium extent exempla*, satis erit Plinum audire lib. 10.

# Tit. XXXIV. De Voto & Voti Redempt.

705

*epist. 10. ad Trajanum: Solennia vota pro incolumitate tua, & sc̄ipimus & solvimus, precati Deos, ut velint semper eas solvi, semperque insignari. Ad quod & illud Juvenal satyr. 10. spectat:*

*Propter quæ fas est genua incerare Deorum. Nam cereas tabellas litteris signatas, quæ votum explicabant, Deorum imaginibus affigebant. At qui votum suscepserat, nec dum voti compos periolverat, reus voti appellabatur. Virg. lib. 5. Aeneid.*

*Vobis letus ego candenter in litore taurum Constatum ante aras voti reus.*

Hoc est, ut Servius interpretatur, voti debitor. Quem locum quoque enarrant Macrobius lib. 3. cap. 2. *Saturn.* Hæc vox (inquit) propria sacramentum est, ut teus vocetur, qui suscepito voto minibus se obligat. Qui vero voto suscepto, affectus id erat, pro quo voterat, nondum tamen soluto voto, damnatus voti dicebatur: quod clarè Livius dicit lib. 27. demonstrat: *Deus omnes ait Deasque precabantur, ut illis fangulum iter, felicique pugna, matura ex hostibus victoria esset, dannarenturque ipsi votorum, que pro iis suscepissent. Et lib. 5. Haud mirum id quidem esse, furere id civitatem, que damnata voti omnium rerum potiorum curam, quam religionem se eximendam habeat. Et lib. 39. scribit, se pro ægrioto votivis, ut primum convaluisse, Bacchis eum se initiaturum: damnatum voti Deum beningitate absolvisse, sed id exsolvore velle. Virgil. eclog. 5.*

— *Tibi sic vota quotannis*

*Agricole facient, damnabis tu quoque votis. Ubi Servius: Cum preficeris, inquit, que homines te oraverint, reddes illos obnoxios ad vota solvens; nam sumus voti damnati, & obnoxii, antequam reddamus. Ex quibus pater Alex. ab Alex. lib. 3. Genial. cap. 22. perperam damnatum voti, interpretatum, qui voti compos, vota exsolvisset; quod precipue ex praesenti loco dignoscitur; nam Dictator voti damnatus, nondum eo soluto, dictatur se abdicavit, cui voto subsequenti anno satisfactum est. Plura congeserunt Brissoni lib. 1. de formul. fol. 113. Kochier in face hist. centur. 2. c. 34. Germonius lib. 2. de sacrorum immunitat. cap. 17.*

6. *De usu votorum apud variis religiis.* Secundò sciendum est, vota Deo emittere, non solum apud Catholicos, verum apud Iudaos, & Gentiles solitus esse. De Iudaïis constat ex legibus à Deo ipsis datis circa vota. Generalis refertur cap. 23. Deuter. cap. 21. ibi: *Cum votum voteris Domino tuo, non tardabis reddere, si requiri illud Dominus Deustus. Unde vota emissa à Iudeis passim sacra pagina refert, inter quæ difficile est votum emillium à Jepheth Iudic. cap. II. vers. 30. quod post Theologos expositivos examinat, & illustrant Bécanus in analog. cap. 15. fol. 330. Kochier in face hist. centur. 2. cap. 35. Apud Gentiles etiam magna votorum observantia fuit, ut probant late Alex. ab Alex. lib. 2. dier. genial. cap. 22. ubi Tiraquellus, Anastatius Germonius lib. 1. de sacr. immunit. cap. 17. Theophilus Raynaudus tom. 4. libro 4. sc̄t. 3. fol. 553. Beyeriuchi in Theatr. vite hum. verbo votum, Demitzer. ad Rosinum lib. 1. antiquit. cap. 15. Apud Romanos vota certis verbis concipiebantur, Livius lib. 1. ubi inducit Romulam templum Jovi votentem his verbis: *Hic ego tibi templum Scacori fovi, quod monumen- tum su posteris, tua preface ope servatam urbem, esse voro. Macrobius lib. 6. Saturn. cap. 9. ibi: Si D. Gonzal. in Decretal. Tom. III. pars II.**

*ita feceritis, voeo vobis temp'la, ludosque facturum. Latè illustrat Brissoni lib. de formulis, fol. 105. & plura vota à diversis gentilibus Diis facta refert Petrus Gregorius lib. 13. de repub. cap. 5. & plura de votis Gentilium, & eorum diligenti obser- vantia, congeserunt Avendafio de metu libr. 2. cap. 21. Salas ad Petronium linea 12. fol. 32. Antonius Silvius de legibus lib. 1. cap. 20. Stuchius de sacrificiis, fol. 85. Mancinus de triplici iuriis collat. cap. 53. Apud Christians etiam iam à primis Ecclesiis saeculis vota emissa fuile facile confitat ex antiquis Ecclesiæ legibus, quas infra in hoc tit. dabimus, licet Mordicus Petrus Martyr in lib. de votis & cælibatu, asseruerit, inter alia, vota tan- tum pertinere ad Judæos, non ad Christians, illo levi motu fundamento, quia voti Iepis mentio fit in veteri Testamento, nunquam vero in novo: quem docte refellunt Bellarminus tom. 1. contro. lib. 2. de monach. cap. 18. Bécanus in analog. dicto cap. 15. num. 48.*

Deinde sciendum est, apud easdem gentes, a- pud quas vota emittere in usu fuit, magna semi- 7. De voto. per cura fuile, vota ipsa solvere, & adimplere. rum ob- De Judeis constat ex dicto cap. 23. Deuter. ubi servan- dum agitur de obligatione voti, legitur: *Si mo- rans fueris reputabatur tibi in peccatum; si nolueris polliceris, absque peccato eris: quod autem semel egre- sum est de labiis tuis, observabis, & facies sicut promisisti Dei tuo. Erant tamen apud eos leges certe de redemptione votorum, nam si laicus seipsum Deo obrulerat per votum, ut serviret in taber- naculo, aquam, & ligua pro sacrificiis portan- do, seu ad atrium verendum, sartæ templi tecta curando, poterat se redimere pretio à lege taxato. Levit. cap. 27. vers. 2. Deinde si quis animal Deo vovisset, redimere illud poterat solvendo pretium eius a sacerdote taxatum, additâ quinta parte preti pro ipso sacerdote, d. cap. 27. Levit. vers. 1. quod idem procedebat, si quis Deo vovisset domum, vel agrum. Levit. d. cap. 27. vers. 14. & 16. Illustrat Bécanus in analog. dicto cap. 15. num. 29. De Gentilibus constat, adeo diligenter vota Diis facta soluisse, ut statim post ea emissâ Deo precarentur, ut rata essem. Ovidius libr. 8. Metamorph.*

— *Durasque ad sidera supplex*

*Cressa manus tollens rata fuit sua vota precavat. Latè illustrat Brissoni lib. 1. de formulis, pag. 112. Apud Catholicos vota esse diligenter adimplenda, constat ex variis Ecclesiæ canonibus congeta à Gratiano sub causa 20. quæst. 1. à Raymundo in praesenti: ab Antonio Augustino in epit. jur. li- bro 9. tit. 2.*

Tandem sciendum est, obligationem voti, 8. vel in totum tolli, vel in aliud commutari. Tol- Decom- litur irritatione, & dispensatione in totum, de mutatio- ne & redemp- quibus infra agemus. Mutatur per commutatio- ne demptio- ne, & redemptionem, de quibus in praesenti ne. agitur, juxta secundam partem praesentis rubri- cae de voti redempzione. Commutatio fit, cum res voto promissa in aliam commutatur; redem- ptio vero intelligitur facta, quando peregrinatio, vel simile opus promissum certa pecunia quan- titate luitur: & per commutationem, & redem- ptionem vovens non liberatur à primo voto, sed materia voti mutatur, & virtute prioris pro- missionis tenetur ipsi communicationem adm- plere; quia subrogatum semper sapit naturam subrogati, l. si sponsus, ff. de donat. inter, l. duobus, s. 1. ff. de jurejur. cap. Ecclesia, 3, ut lite

Ooo 3 pend.

polie abique Prælati auctoritate certum est: nam ex voti materia sequitur necessariò, quod non impedit maior bonum: quæ doctrina etiam procedit in secundo casu, quando commutatio voluntaria est, cum sit consentanea fini voti qui est hominem promoveri ad maius bonum, & magis Deo gratum; nam eti alius pro alio invito creditore solvi non possit. l. 2. ff. de rebus crediti, cùm voti creditor Deus sit, moraliter creditur, ipsum maior bonum acceptare pro debito minoris voti. Pro qua doctrina faciunt textus in cap. per-  
venit, de jurejur. cap. scriptura, hoc tit. cap. licet, deregul. Si autem in æquale commutatio fiat auctoritate superioris, valida est. Nec tunc obstat, alius pro alio dissolvi non posse; nam de consensu creditoris, & eo volente alius pro alio solvi valet, l. 1. §. an crim. ff. de confit. pecun. l. item liberatur, §. qui paratus, ff. quibus modis pignus. Unde hoc calu per Prælatum, qui auctoritate commutatio præstat, explicatur Dei consensus, qui est tantum creditor in hac obligatione; unde cum consensu creditor fiat commutatio, alius pro alio recte solvi potest. Nec obstat, quod de novatione expedebamus; verum enim est, quod non inducitur novatio, quando secunda obligatio est minor primæ; quia in dubio nemo creditur suum ja-  
ctare, l. cum de indebito, ff. de probat. Sed cum de creditoris voluntate expresa constat, nullum est inconveniens, ut procedat novatio, l. final. Cod. de novat. Nec tandem obstat, quod votum debeat adimpleri in specifica forma, sicut & jura-  
mentum; nam verius est, juramentum posse impleri per aequipollens, quando per illum actum aequipollentem omnino sequitur idem effectus, ut docent Hoffstensis, Innocentius, & alii congesti à Stunica de voto q. 5. num. 14. Nec contrarium probatur in dicto cap. ad notam, cuius veram interpretationem adduximus in eius commentator.

**9.** Quibus ita animadvertist appetit vera ratio  
præsentis decisionis; nam cum votum peregrinationis, de quo in præsenti, non est ex  
reservatis R. Pontifici, recte poterat Episcopus Exoniensis illud commutare, vel redimere. Et  
quamvis Cajetanus in summa, verbo Votorum dis-  
pensatio, existimat, eam proportionem esse ser-  
vandam, ut votum realē necessariō commute-  
tur in aliud realē, personale in persone, mix-  
tum in mixtum, habita cujusque proportione:  
ad huc tamen verius credo, hoc non est simpliciter  
necessarium, sed arbitrio commutantis posse  
fieri commutationem: quod aperte probatur ex  
cap. 2. cap. magna, cap. quod super his, hoc tit. ubi  
docetur, utroque modo votum commutandi posse:  
debet tamen Prælatus modum in tali commuta-  
tione prudenter servare, sive in reali, sive in  
personalī, sive in mixto; nam in reali, si causa  
commutandi oritur ex paupertate, non debet  
fieri commutatio in onus realē, sed in personale,  
cum prudenter aequiparatione: personale vero  
semper potest commutari in elemosynam, cu-  
jus apud Deum magna est præstantia; in voto  
autem mixto ratio itineris habenda est, ut in  
dicto cap. magna, de voto: quam prudenter aequiparationem commendavit Alex. III. in præsen-  
ti, in illis verbis: Ut consideret diligentiam, qua-  
litatem persone, & causam commutationis.

**10.** Nec obstat dubitandi ratio suprà expensa;  
Dissolvitur dubi-  
tatio  
sur dubi-  
tandis  
ratio.  
nam verum est, votum commutati polie in evi-  
denter melius bonum, idque fieri posse sine Præ-  
lati auctoritate; ut defendunt Covat. in cap.  
quamvis, p. 1. §. 3. num. 4. de pacis in 6. Cordub.  
quesit. 149. Suarez de relig. tom. 2. lib. 6. de voto,  
cap. 8. num. 4. Balboa in cap. 3. de jurejur. num. 50.  
Quod ut facilius percipiat scindum est, hanc  
commutationem dupliciter fieri posse. Primo  
quando sit ex necessitate; secundo quando vo-  
luntariè sit. Primo modo contingit, quando id,  
quod melius est, fieri non potest votum ex-  
equendo, quasi duo illa incompatibilia sint:  
exempli gratiā, si votit quis peregrinari, &  
postea agnoscat pro illo tempore perfectius esse  
hospitali servire; quo casu commutationem fieri

11. exp.  
tur.  
in  
cap. 1. hoc tit. in 5. compil. ibi: [ Ecclesia Medolanensis canonicus nobis humiliter supplicavit, ut  
cùm teneatur ex voto Beati Jacobi limna visitare, ut  
ac propter quandam occultam infirmi ac corpore compli-  
ris quæ laborat, sine vita periculo nequeat, sicut  
credit, tanti labores itineris sustinere, votum ipsum  
commutare in aliud dignaremur. Ideoque dicitur.  
m. quæ tenus provide indagata veritate, votum  
ipsum, si necessitas videbitur id expolere, auctoritate  
nostra commutes in satisfactionem aliam  
competentem, proviso, ut sumpus quos efficiatur  
in via, convertat in opera pietatis, & labo-  
rem corporis redimat jejuniis, & orationibus soli-  
cius intendo.] Ex quibus aperte constat, Me-  
diolanensem Archiepiscopum votum peregrinationis  
commutasse auctoritate Pontificis, non propriæ: ergo quia Episcopus ut ordinarius non potest  
votum peregrinationis commutare. Cui difficultati respondendum est, in eo textuagi de voto pere-  
grinationis ad limina D. Jacobi in Compostella,  
quod unum est ex votis reservatis Romano Pontifi-  
ci; unde ille tantum ut ordinarius potest illud com-  
mutare, Episcopus vero, vel inferiores Prælati,  
tantum ex delegata potestate.

Ad redemptionem etiam voti spectat textus in  
can. 2. Concil. Altissod. quem latè exposuit in can.  
Concil. Illiber.